

Headline	Usah buat spekulasi tarikh bonus TH		
MediaTitle	Harian Metro		
Date	26 Jan 2016	Color	Black/white
Section	Setempat	Circulation	1,270,667
Page No	13	Readership	3,812,000
Language	Malay	ArticleSize	104 cm <sup>2</sup>
Journalist	N/A	AdValue	RM 2,400
Frequency	Daily	PR Value	RM 7,200



## Usah buat spekulasi tarikh bonus TH

**Kuala Lumpur:** Tabung Haji (TH) meminta orang ramai tidak membuat spekulasi tarikh pengumuman bonus bagi pen depositnya bagi tahun 2015.

Bahagian Hal Ehwal Awam dan Komunikasi Korporat TH dalam kenyataan menerusi laman Facebooknya berkata, pada kelazimannya TH akan mengumumkan bonus pen depositnya pada suku pertama (Jan-Mac) tahun semasa.

Kenyataan itu menyebut TH pernah mengumumkan bonus pen deposit pada hujung Februari dan awal Mac sebelum ini.

Sebuah portal berita semalam melaporkan Naib Presiden Parti Amanah Negara (Amanah) Datuk Dr Mujahid Yusof Rawa meminta TH memberi penjelasan sama ada mendapat keuntungan mencukupi pada 2015 untuk membayar dividen kepada kira-kira sembilan juta penabung tahun ini.

Mujahid dilapor berkata dividen TH sepatutnya diisytiharkan pada 22 Januari seperti tahun lalu namun sehingga kini TH tidak melakukannya.

Kenyataan itu menambah TH perlu memastikan semua proses audit awal dilaksanakan terlebih dahulu serta mendapat kelulusan dalaman sebelum mengumumkan dividen atau bonus kepada pen depositnya.

"TH percaya hasil strategi-alokasi asetnya akan dapat membantu pulangan pendapatan, walaupun 2015 dilihat sebagai tahun yang mencabar.

"Konsep simpanan di TH adalah AlWadiah Yad Dhamanah di mana apa-apa pulangan adalah dalam bentuk Hibah tertakluk kepada prestasi kewangan tahun semasa dan budi bicara pengurusan," katanya.

Konsep itu katanya tiada beza dengan konsep AlWadiah oleh institusi perbankan Islam yang lain. - BER-NAMA